



Broj: 18/01-11-3332-7/22
Zenica, 05.05.2022. godine

U skladu sa članom 68. stav (4) tačka i) i članom 70. Zakona o javnim nabavkama Bosne i Hercegovine («Službeni glasnik BiH», broj: 39/14) i preporuke Komisije za provedbu postupka “Javna nabavka laptopa za potrebe Kantonalne uprave za inspeksijske poslove Zeničko-dobojskog kantona”, direktor Kantonalne uprave za inspeksijske poslove donosi

ODLUKU
o izboru najpovoljnijeg ponuđača

I

Prihvata se preporuka Komisije za provedbu postupka “Javna nabavka laptopa za potrebe Kantonalne uprave za inspeksijske poslove Zeničko-dobojskog kantona” i ugovor o isporuci i instalaciji laptopa za potrebe Kantonalne uprave za inspeksijske poslove Zeničko-dobojskog kantona **dodjeljuje se** ponuđaču: “Pro Comp” d.o.o. Zenica, ul. Marjanovića put do broja 2. 72000 Zenica (dalje: Ponuđač), ponuda broj: 3003/2022 od 30.03.2022. godine, za ponudenu cijenu od 46.706,20 KM, kao najbolje ocijenjenom ponuđaču.

II

Odbija se ponuda Imtec d.o.o. Sarajevo jer ista nije uredno popunjena u skladu sa tenderskom dokumentacijom.

III

Odbija se ponuda Inter – com d.o.o. Zenica jer ista nije uredno popunjena u skladu sa tenderskom dokumentacijom.

IV

Odbija se ponuda PR Media Market Prijedor jer ponuđač nije preuzeo sa portala Izmijenjenu tendersku dokumentaciju, nije uredno dostavio svu traženu dokumentaciju, a obrazac za cijenu ponude kao i nacrt ugovora nisu uredno popunjeni u skladu sa tenderskom dokumentacijom

V

Obavezuje se izabrani Ponuđač da u roku od 5 dana od dana prijema ove Odluke o izboru najpovoljnijeg ponuđača dostavi dokaze o kvalificiranosti iz člana 45. i 47. Zakona, odnosno tačke 3.1. (lična sposobnost), tačke 3.2. (profesionalna djelatnost) iz tenderske dokumentacije, u originalu ili ovjerenoj kopiji. Dostavljeni dokazi moraju biti čvrsto uvezani na način definisan u tački 4.2. tenderske dokumentacije.

VI

Po konačnosti ove Odluke, ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezano za predmetnu nabavku shodno uslovima ugovornog organa navedenim u tenderskoj dokumentaciji.

VII

Ova odluka objavit će se na web-stranici <http://www.zdk.ba/>.

VIII

Ova odluka će se dostaviti svim ponuđačima koji su učestvovali u postupku javne nabavke, a shodno članu 71. stav (2) Zakona o javnim nabavkama.

O b r a z l o ž e n j e

Postupak javne nabavke “Javna nabavka laptopa za potrebe Kantonalne uprave za inspeksijske poslove Zeničko-dobojskog kantona” pokrenut je Odluke o pokretanju postupka broj: 18-11-3332/22 od 15.03.2022. godine. Ugovorni organ je Rješenjem broj: 18/01-11-3332-1/22 od 15.03.2022. godine imenovao Komisiju za provedbu predmetnog postupka. Javna nabavka je provedena putem otvorenog postupka za dostavu ponuda sa predviđenim provođenjem e-aukcije putem informacionog sistema e-Nabavke Agencije za javne nabavke BiH. Procijenjena vrijednost javne nabavke bez PDV-a iznosi: 48.205,13 KM. Kriterij za dodjelu ugovora je najniža cijena tehnički zadovoljavajuće ponude, sa svim popustima i bez PDV-a, dobijena nakon provođenja postupka e-aukcije.

Obavijest o nabavci je poslata na objavu dana 21.03.2022. godine, a ista je objavljena na portalu Agencije za javne nabavke pod brojem: 7141-1-1-3-1/22. Tenderska dokumentacija je objavljena na "Portal javnih nabavki BiH" www.ejn.gov.ba kao i izmjenjena tenderska dokumentacija.

Do 07.04.2022. godine sa "Portala javnih nabavki BiH" www.ejn.gov.ba tendersku dokumentaciju je preuzelo 13. ponuđača, (Izveštaj o preuzimanju tenderske dokumentacije od strane ponuđača preuzet sa Portala javnih nabavki BiH). Ponude su blagovremeno dostavili slijedeći ponuđači:

Redni broj	Broj protokola	Naziv/ime ponuđača	Datum i sat prijema ponude
1.	18-11-8332-4/22	Imtec d.o.o. Sarajevo	18.04.2022. 10.00
2.	18-11-8332-4/22	INTER-COM D.O.O. Zenica	19.04.2022. 08.37
3.	18-11-8332-4/22	Elur d.o.o. Kiseljak	19.04.2022. 08.41
4.	18-11-8332-4/22	ProComp d.o.o. Zenica	19.04.2022. 08.41
5.	18-11-8332-4/22	PR Media Market Prijedor	19.04.2022. 08.44

Komisija za provođenje postupka javne nabavke izvršila je detaljnu analizu blagovremeno pristiglih ponuda, te utvrdila sljedeće:

- Ponuđač **Imtec d.o.o. Sarajevo** nije popunio Obrazac za cijenu ponude za sve stavke sadržane u Obrascu, i to u koloni "Naziv ponuđenog artikla, Naziv proizvođača, Zemlja porijekla ponuđenog artikla", što nije u skladu sa tačkama 4.1. i 4.4. Tenderske dokumentacije. U konkretnom, ponuđač nije naveo tačan naziv ponuđenog artikla, te iz tog razloga ponuda navedenog ponuđača nije mogla biti ocijenjena u smislu ispunjavanja tehničke specifikacije. Ponuđač je u Obrascu za cijenu ponude naveo naziv artikla „HP 250 G8“ što je nepotpun naziv jer nije naveden tačan model laptop računara. Uvidom na zvaničnu stranicu ponuđača <https://imtec.ba/> je utvrđeno da se nudi 10 tipova laptop računara „HP 250 G8“, pa ugovorni organ nije mogao zaključiti šta u stvari nudi ponuđač i da li isti uređaj zadovoljava uslove iz tenderske dokumentacije.
- Ponuđač **Inter-com d.o.o. Zenica** nije popunio Obrazac za cijenu ponude za sve stavke sadržane u Obrascu, i to u koloni "Naziv ponuđenog artikla, Naziv proizvođača, Zemlja porijekla ponuđenog artikla", što nije u skladu sa tačkama 4.1. i 4.4. Tenderske dokumentacije. U konkretnom, ponuđač nije naveo tačan naziv ponuđenog artikla, te iz tog razloga ponuda navedenog ponuđača nije mogla biti ocijenjena u smislu ispunjavanja tehničke specifikacije. Ponuđač je naveo naziv artikla „DELL VOSTRO 3500“ što je nepotpun naziv jer nije naveden tačan model laptop računara. Uvidom na stranicu <https://www.laptopi.ba/> je utvrđeno da se nudi minimalno 5 tipova laptop računara „DELL VOSTRO 3500“, pa ugovorni organ nije mogao zaključiti šta u stvari nudi ponuđač i da li isti uređaj zadovoljava uslove iz tenderske dokumentacije.
- Ponuđač **PR Media Market Prijedor** nije podigao „Izmjenjenu tendersku dokumentaciju“ sa portala javnih nabavki, a u "Kratkom uputstvu o načinu korištenja informacionog sistema e-nabavke agencija za javne nabavke/nabave Bosne i Hercegovine" je navedeno sljedeće da "Samo ponuđači koji su preuzeli tendersku dokumentaciju sa Portala javnih nabavki mogu učestvovati u e-aukciji. U slučaju grupe ponuđača minimalno jedan ponuđač iz grupe mora preuzeti tendersku dokumentaciju sa Portala javnih nabavki i samo nosioc grupe ponuđača može učestvovati u e-aukciji." Ponuđač u dostavljenoj ponudi nije dostavio Izveštaj Centralne banke BiH o otvorenim računima ponuđača a što nije u skladu sa tačkom 4.1. i 3.3. Izmjenjene tenderske dokumentacije;
Ponuđač nije u Nacrt ugovora unio podatke iz svoje ponude, što nije u skladu sa tačkama 4.1. i 5.4. tenderske dokumentacije. Naime ponuđač je propustio da u članu 1. i članu 2. Nacrta ugovora popuni podatke iz svoje ponude;
Ponuđač nije popunio Obrazac za cijenu ponude za sve stavke sadržane u Obrascu, i to u koloni "Naziv ponuđenog artikla, Naziv proizvođača, Zemlja porijekla ponuđenog artikla", što nije u skladu sa tačkama 4.1. i 4.4. Tenderske dokumentacije. U konkretnom, ponuđač nije naveo da za ponuđeni laptop nudi i instalisan operativni sistem Windows 10 pro 64-bitni OEM licence, a u katalogu proizvođača sa detaljnim specifikacijama isto nije navedeno, te iz tog razloga ponuda navedenog ponuđača nije mogla biti ocijenjena u smislu ispunjavanja tehničke specifikacije.

Imajući u vidu naprijed navedeno u pogledu ponuda ponuđača Imtec d.o.o. Sarajevo, Inter-com d.o.o. Zenica, te PR Media Market Prijedor odlučeno je se u skladu sa članom 68. stav (4) tačka i) Zakona o javnim nabavkama jer iste ne ispunjavaju zahtjeve iz tenderske dokumentacije.

U pogledu tehnički zadovoljavajućih ponuda Komisija je utvrdila početnu rang listu ponuđača, na osnovu kriterija najniže cijene tehnički zadovoljavajuće ponude, sa svim popustima i bez PDV-a, kako slijedi:

R/B	Naziv i sjedište ponuđača	Ponuđena cijena bez PDV	Procijenjena vrijednost javne nabavke bez PDV-a
1.	„Elur“ d.o.o. Kiseljak	48.200,00	48.205,13 KM
2.	“Pro Comp” d.o.o. Zenica	46.800,00	

Za ovaj postupak je bila predviđena E-aukcija. E-aukcija je provedena putem Informacionog sistema e-Nabavke, Agencije za javne nabavke BiH, a u skladu sa Pravilnikom o uslovima i načinu korištenja e-aukcije (Službeni glasnik BiH broj 66/16). Komisija za provođenje postupka javne nabavke je nakon detaljnog pregleda, izvršene evaluacije ponuda – pregleda i ocjene ponuda, unijela podatke o prihvatljivim ponudama u Informacioni sistem e-Nabavke i zakazala e-aukciju za datum 29.04.2022. godine u periodu od 09.00 – 09.30 sati. E-aukcija je uspješno provedena putem Informacionog sistema e-Nabavke, što se potvrđuje Izvještajem o toku i završetku e-aukcije.

Komisija je na osnovu izvještaja sačinila „Konačnu rang lista ponuđača koji su učestvovali u e-aukciji“, kako slijedi

Red. br.	Naziv i sjedište ponuđača	Ponuđena cijena na e-aukciji bez PDV	Rang
1.	“Pro Comp” d.o.o. Zenica	46.706,20	1
2.	„Elur“ d.o.o. Kiseljak	46.753,00	2

Ponuđač “Pro Comp” d.o.o. Zenica je ponudio najnižu cijenu putem e-aukcije u iznosu od 46.706,20 KM.

Na osnovu svega gore navedenog, Komisija je dala preporuku za donošenje odluke o izboru ponuđača “Pro Comp” d.o.o. Zenica, kao najpovoljnijeg ponuđača u postupku javne nabavke “Javna nabavka laptopa za potrebe Kantonalne uprave za inspeksijske poslove Zeničko-dobojskog kantona”. Kako u postupku ocjene provedenog postupka nabavke nisu utvrđeni razlozi, nepravilnosti ili propusti u radu Komisije, a koji bi eventualno bili osnov za neprihvatanje preporuke Komisije, to je cijeneći sve naprijed navedeno odlučeno kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba u roku od 10 (deset) dana od dana prijema iste. Žalba se izjavljuje Uredu za razmatranje žalbi, putem ovog ugovornog organa u najmanje tri primjerka.

Dostavljeno:

1 x Ponuđači
1 x a/a



